

畿輔通志卷二百五十七

列傳六十五 列女十三

鹿

國朝七

安州新 雄縣 附 安鄉

高陽 祁州

束

國朝

雄縣

王袞妻何氏袞明貢士入祀鄉賢早卒氏撫遺孤應選應遴
守節入

國朝五代同堂曾元林立多顯達年百有餘歲無疾而逝

康熙志

董光綬妻解氏年二十二光綬卒撫孤子懇守節六十四年

子媳閻氏年二十寡依姑撫孤國璽守節五十八年

康熙志 順

治十八年并旌

縣志

劉昌期妻蘇氏年十九守節事舅姑盡孝五十年色養如一

日順治十七年壽八十歲卒

康熙志兼 採縣志

王孫葆妻張氏年二十四夫亡守節祖姑何氏姑韓氏俱以

節孝稱氏孝養撫孤康熙八年壽八十一歲

康熙志兼採縣志

王孫萼妻韓氏張氏娣婦也早寡撫嗣子同心守節三十六

年壽六十九歲

同上

李光先妻蕭氏年二十八守節四十九年李光啟繼妻劉氏

年二十七守節三十四年順治年間先後卒先是光啟歿光

先一慟而絕蕭無子劉以己子學文爲之嗣自撫前室子學

文尋登己丑武進士光啟孫萬輝任獨石守備孫曾濟齊庠

序咸以爲友節之報云

縣志

劉光啟妻楊氏孝事重闈光啟歿撫二子入邑庠卒年八十

餘歲長子甲第妻鄧氏事姑以孝著

同上

趙立妻姚氏

康熙志

年二十四夫亡子幼夫兄庫卒無子親族

謀以其孤付伯姒而奪其志氏以死自誓奉舅姑盡孝守節

終身

縣志

庠生倪象晉妻趙氏早寡守節事育盡職舅姑及子相繼歿拮据營葬撫嗣子守節五十年

同上

諸生宋化民妻王氏年十八于歸逾月而寡姑病歷春夏侍湯藥無間比歿典衣飾殯葬如禮守節五十餘年

康熙志兼採縣志

許攀桂妻王氏早寡守節孝事舅姑撫三子皆成立次季入泮長洪印早卒媳王氏年十七撫遺腹孤守節終身

庠生倪道亨妻李氏年三十夫亡事親撫孤守節四十餘年庠生馬之駟妻王氏年十八夫亡孝事舅姑撫遺腹孤名世入泮守節四十餘年

諸生張經濟妻王氏年二十六夫亡氏撫遺孤奉孀姑守節

孝慈兼盡艱苦備歷矢志彌堅卒年五十有六

武探花郭沆妻田氏年二十九夫亡守節撫孤子標入泮卒

年五十七歲

俱同上

武進士董鈴妻石氏早寡守節奉孀姑撫嗣子以孝慈著同族諸生董鑣妻孫氏年二十夫亡事舅姑繼姑均盡孝以節

終

縣志

貢士馬維慶繼妻董氏年二十二夫亡守節撫前室二子如已出尋皆入庠維慶姪庠生之駿妻金氏年二十五夫亡守節撫孤逢造入庠又之馥妻王氏于歸四載而寡守節垂四

十年

同上

劉沈如妻趙氏年二十一夫亡絕粒六日不死以舅姑勸乃進食撫孤徽入庠勤紡績以供菽水守節三十餘年康熙十

八年旌府志

張萬吉妻朱氏夫歿氏剪髮納棺中以事育爲己任茹荼五

十餘年無負遺言年八十一歲猶勤紡績

縣志

石之璿妻張氏年十九夫亡撫孤女守節茹苦四十餘年康

熙二十八年邑令張旌其門

王嗣照妻胡氏性貞淑年二十三夫亡訓子天錫入庠守節

五十餘年卒

俱同上

王天佑妻呂氏夫亡守節孝親撫子詠登武科劉聰奇妻魏

氏早寡守節孝事舅姑以夫姪爲嗣和睦妯娌雍正五年并

旌

雍正志

王一龍妻馬氏明御史王孫蕃子婦也年十七夫亡撫姪鏞

爲嗣入武庠鏞早卒媳馬氏守節盡孝雍正十年并旌

雍正志兼

探縣志

李可則妻楊氏夫亡守節家貧孝事舅姑及歿拮据營葬如禮守節數十年雍正十年旌

王穀妻謝氏年二十一夫亡楊廷正妻何氏年十九夫亡均孝事舅姑各守節四十餘年雍正十一年并旌俱同上

儒童劉玉成妻李氏色養翁姑人稱賢孝夫病篤祝天請代割股和藥醫之年二十八夫卒撫孤成立守節二十餘年卒道光十年旌

庠生王肇洪妻馮氏年二十六夫亡以姪爲嗣守節三十八年探訪冊

庠生張維寅妻袁氏年二十五夫亡子并殤孝事孀姑養葬盡禮守節三十八年卒

王安妻王氏年二十八夫亡家貧紡績奉姑撫遺腹子步堪成立食餼於庠守節四十餘年

張鳳沼妻章氏年二十五夫亡姑老子幼矢志守節比姑歿喪葬畢依母以守恒并日而食無怨言

胡作謨妻姜氏年二十二守節三十餘年孝事舅姑撫嗣子成立已旌

監生胡作礪妻于氏年二十九守節撫孤子成立守節三十餘年咸豐七年請旌

王喜妻薛氏年二十二夫亡或諷之嫁拒之矢死以守事舅姑先意承志戚族稱孝無間言咸豐十一年旌

王沛然妻孟氏沛然卒矢從死水漿不入口者六日親族以撫孤大義責之乃進食家貧採薪紡績依母守節四十五年

卒年七十二歲

韓熊占妻崔氏年十八夫亡家貧織紵以養舅姑守節四十

餘年卒

俱同上

孫秀先妹許字陳姓子未婚而陳子卒女年甫十二矢志守

貞歷三十年卒葬候山

王樹枏候山貞女傳畧孫貞女者秀先之妹幼許字同里陳姓子未醮而

夫亡女年甫十二請奔喪母阻之女涕泣矢志靡他有議婚者卽覓死挫折之不爲動而性婉順家徒四壁勤紡績無少忤凡己之衣食皆取給於十指并自治喪具爲身後計未幾有世族潛委禽母與兄陰許之闕其事屆期以告女撫地大號嚙臂以誓百端慰之乃佯爲止哀如平日至夜分乃自縊家人急救之得不死母兄知其志之終不可奪也遂聽之議婚之意始絕女事母孝母病衣不解帶而事者累月其自處也冬夏設一床藉亂草截木爲枕晝夜無溫時毀妝握髮與人言終身不見齒每遇風霾霜雪慘悽不可狀一日疾革謂家人曰葬我何所其家未之答乃撫床一慟而絕年四十一歲時同治十有一年也 又咏候山女詩孫家有女纔及笄金翹峨髻琅玕姿香櫳寒鎖春烟重白晝飛霜入羅洞孤鸞一聲哀激雲隔簾驚墮芙蓉魂黯黯花光空血痕 東家少年天上郎黃金飾屋珊瑚床青鳥銜書道余美女聞不言矢

以死夜半珠梁頽素塵尺練啼寒月如水 千年井水凝不
波瑤池古雪寒峨峨弱指牽絲轉涼玉攢碧無言聲斷續哀
鴟口血啼未乾四十流光春漸闌奇
香一夕靄天半中有雙鶴青雲端

馬恭妻李氏年二十夫亡孝事舅姑守節四十年同治二年

旌

採訪冊

傅廷棟妻李氏年二十而寡孝事舅姑勤儉持家守節四十
年同治五年旌

張佩蕙妻張氏年二十八夫亡守節四十餘年孫詔恩入庠
李維翰妻鄧氏年二十八夫亡矢志靡他守節四十餘年子

錦雯入庠

同上

光緒二年旌

檔冊

武生趙國鈞女適旗民胡松阿爲室孝事舅姑持家教子壽

登百歲

採訪冊

光緒五年建坊旌曰貞壽之門

庠生王繼釗妻姚氏幼讀書嫻內則年二十四夫亡孝事舅

姑撫孤子肇淮貢成均咸稱母教守節五十年卒

周玉珍妻李氏年二十六守節撫姪士達入庠同時徐錫齡

妻李氏年二十六夫亡事親撫孤以守節終身俱同

何魁芳妻李氏年二十三撫孤王鐘全妻孫氏年二十守節

五十三年俱康熙志庠生張士儀妻李氏年二十六守節終身庠生高雲起妻

王氏年二十守節庠生韓景愈妻王氏年二十三撫孤守節終身均縣舊志劉

承家妻楊氏年二十六撫孤守節張士林妻薛氏早寡守節

旌馬效常妻王氏嘉慶四年旌張鐸妻王氏嘉慶十年旌郭相正

妻趙氏高萬里妻鄧氏唐士宗妻楊氏仇謨妻高氏田長安

妻孔氏王清尙妻張氏王爾楷妻彭氏張對墀妻劉氏張健

文妻傅氏郭成琳妻常氏張灼妻李氏張廷璽妻高氏郭來

儀妻楊氏蔡元璽妻張氏常春元妻蘇氏劉閭妻趙氏王爾

檉妻張氏王爾愷妻蕭氏董芳春妻賈氏以上十九人均已旌王緒

妻董氏

道光十六年旌

劉彥妻谷氏

道光二十三年旌

李珍妻陳氏

年二十

四十

周玉銀妻李氏

年二十五守節三十一年

周起鳳妻張氏

年二十守節

生周連茹妻李氏

年二十六守節三十二年

庠生楊岱峯妻薛氏

年二十守節

二十四年

楊紀妻邱氏

年二十九守節四十五年

楊顯謨妻王氏

年十四

守節五十二年

光緒二年旌

檔冊

祁州

李好古妻于氏年二十九夫亡孝事孀姑撫孤子艾蘭弱冠

登賢書守節三十八年卒

容城孫奇逢李節婦傳祁州古立節地也宋橫渠張子明日貞徐子

司教化於上鄉之人有鄭秀者樹節烈於前故士人知重節義至閨中之婦夫逝而守節終身者踵相接也乃余所聞李

君好古妻于氏則又其最著者氏家於祁之曲堤村父一躍

母吳氏生而慧幼嫻女訓年十五歸於李二十九歲而好古

貴志歿遺孤艾蘭甫三週氏矢死自誓水漿不入口者三日

父母諭之乃強起視息於是上事孀姑下撫弱息饑而食寒

列女十三

六

而衣勞悴艱苦不可言狀父母憐之微颯以他室富貴則悲號不食父母愈憐之不忍拂其志久之家益窘至不能具饗殯氏不獲已挈子女就食母家俾叔弟得以全力養其母然歲時歸省而甘旨仍不缺於供此艾蘭漸成立乃歸課之讀恒丙夜不休機聲書聲互相聞也又取課文觀之視所點竄為憂喜以故艾蘭弱冠食餼甫壯登賢書氏為之喜加一餐繼而泣曰爾有今日爾父之目可瞑矣噫氏之所以隱忍不死以視畢命一旦凍餓父母斬絕後嗣不之計者其難易為何如哉孟子曰守身為大子謂婦不守身無以成其節臣不守身無以成其忠子不守身無以成其孝孝子也忠臣也節婦也一而已矣乃婦人之貞多見於荒村冷巷而臣子之節則難槩望於顯士通人此非習詩書秉禮義哉冠博帶之士反出閭閻女流下也蓋陰陽消長之數所由來者可勝慨哉

夏峯集

守備張金聲妻王氏早寡守節撫孤重華入庠重華早卒媳吳氏守節盡孝兩世貞操閭里欽之康熙三十四年并旌

志

戴進寶女五姐有鄰惡欲污之女堅拒不從被害康熙五十

七年旌

大清一統志兼採州志邑人才顯祖戴烈女傳畧烈女姓戴氏祁之窶人子也父傭耕母業績僅謀

給朝夕艱於嗣將倚是女以老謀擇壻以故偃蹇中閨年十八尙未字女性嫻靜勤紡紉雅不喜叢談噱笑衆咸異之適麥秋舉家力於田女方晨炊獨處隣有張虎兒者與女齒相若嘗哺諸其母自孩穉暨長往來不相避時虎兒遠佃歸有襖被一具尙寄烈女家因入其室烈女見其至待之如平時已而求狎女乃勃然怒舉厨刀力斫之勢不俱生虎兒倉皇思脫不可得奮死格鬪奪刀反刃之女力盡身被數創腦破而死嗚呼烈矣論曰婦人之義潔身爲大女之生也非仕族名門夙嫻姆教而蓬戶弱息乃知感悅爲污甘死如飴方之古烈丈夫又何多讓焉

耕心錄

宋士英妻張氏年二十二歲士英卒其父勸他適氏痛哭不

食乘間自經死

州舊志

甯超宇妻焦氏歸甯母家有鄰人胡八兒者見其獨炊遽挑之氏怒詈胡以刀斫之旣殞復甦仍往詈之越十日乃死時

年二十一歲州牧王爲請旌表

州牧羅以桂焦烈婦引燦燦百鍊金不爲洪鑪渝矯矯盤

龍松不爲嚴霜枯崔章烈婦女中無生長下里布裙襦譬若冰心在玉壺清秋朗月照澄湖何期歸甯炊兄厨寒烟掩映雪中膚狂徒一見妄覲鼠行潛向厨中趨鳳凰自有匹羅敷亦有夫驚彫感悅尙不可何況輕我千金軀厲聲叱賊裂

清臚常山有舌風雷噓彼狂飛刃雪花巖隱我生分揚我屠
自分甯甘潔白死吞聲含垢通天辜頸血濤翻紅模糊名葩
頃刻隕泥塗愁風攬林林啼鳥黑雲蔽日日欲晡英魂飛天
訢咸巫死不得賊官誰誅忽而甦起大號呼走逐狂徒編虎
鬚十日而死完其軀羣明罪人難逃逋上官章奏達
天衢豐坊行看屹通都吁嗟烈婦人中無俱同上

杜三魁妻王氏

大清一統志

年二十二夫亡守節孝事舅姑夫弟

尚幼撫之成立後以其子玠爲嗣氏卒年五十有四雍正十

一年旌

雍正志

王纘緒妻吳氏年二十三夫亡子永錫生甫十日氏矢志苦

守永錫尋登武進士時某令具厚幣爲壽氏却之後某令以

賊敗人服其識值軍興上官以氏老俾永錫免氏聞不食命

永錫請行聞者賢之卒年八十有四雍正十三年旌

州舊志

清豐教諭李白生繼室金氏夫亡無子苦節五十餘年雍正

十三年旌

太學生牛德正繼妻耿氏年十七于歸甫六月而寡撫孤

老以孝慈著雍正十三年旌

同上

李天美女成姐幼許字郝成德子廷桂爲室乾隆三年女年

十六有武生趙文潤介佃婦馬入室挑之女號啼聲聞於外

鄰衆執趙州牧不爲理太守倪鞫得其實罪趙與馬氏而表

女貞爲合婚於郝

學政錢陳羣紀事詩祁州李氏女最良行年十六鐵襖襠許字於郝年正當當秋遺

種委連岡厥父母往服田功鄰家有婦氏不詳邀女火伴來隔牆轆材花樣羅滿筐曰爲我製德難量行致傳飪充女腸

須與有人入女房感女之悅女怒張大呌里中泣嗶嗶里中來救得不傷罪人欲逃無遁藏用繩二丈縛路旁當官數月

案未明郝家小子何忽荒上白太守走皇皇守曰女婦女之良遍召里人得其情鄰婦服罪置諸桁惡少答決獄乃成

州李氏女最良下擔觀者聚里端太守曰今日月日臧兩姓婚媾得久長遺以廣漢黃竹箱樂府小部雜後堂牛車擁護還

其鄉兩姓感激涕泗勇政平自見和氣翔他年添丁戶穰穰倪父所生慎莫忘子衿無禮惡旣彰羣愧司教疎表坊書用

識哉討彼狂 雍正志 清河道魯之裕紀倪贊衡鞫完祁民婚娶事乾隆四年裕以觀察待用於保定寓蓮池書院書

院之北卽府署相隔僅東西一衢耳時守保定者爲四川倪贊衡先生予向未至保時凡先生所爲惠懷於是者蓋口沫手胼不可以臆其績茲於二十二日羣學者講誦之暇相與津津道太守爲民婚嫁事予問之曰保屬有祁州也者其城南二十五里曰劉家莊又南五里曰鄭家莊雖莊也而比屋居者鱗次焉劉莊有民曰李天美妻劉生女於雍正元年癸卯二月之朔日子時名之成姐天美有同祖弟曰天旺不同居而相鄰其對天美之門而居者曰孫九偕妻馬嘗佃於武生趙文潤者也鄭莊有民曰郝成德妻亦劉生男於康熙五十有七年戊戌十月二十五日己時名之曰廷柱雍正十年癸丑成德介媒妁請以廷柱壻於李迨乾隆三年成姐之年十有六廷柱之年二十矣桃夭期屆奠雁弗行歲故也時七月二十三日天美夫婦當午而穫於田馬氏乃招成姐習女紅其家蓋衡門相望鄰姆以驢相過從九有之內不獨劉莊俗然也而文潤適以召孫九來入其室目成姐艷之馬氏職文潤之佻達而思有以媚之也出交潤於是犯成姐成姐危乃放聲號啼徹戶外其叔天旺聞之排闥拳文潤欲逸鄰人踵於孫九門者阻之天美亦遙駭其衢之喧奔而視則憤批以交潤子衿故隱之成姐之貞廷柱之辱將兩蔽之矣向使守保而非贊衡先生也廷柱雖百訟孰肯爲之提而鞫鞠而置交潤馬氏於法且更爲成姐暴其貞廷柱洩其忿並爲天美成德完其子女室家弗能完之願哉太守於是更廷柱之名曰嗣甲從其父成德請也劉鄭二莊暨郡之民聚觀於衢

而歡忻鼓舞送成姐以歸於嗣甲者人干計時蓋乾隆四年己未二月二十有一日也之裕聞而贊之曰婦人之於節義也恆不男子若而怵強暴忍恥辱也尙足與言節義哉雖然吾昔嘗以雍正辛亥守江西之贛郡閱三年癸丑觀察於湖北之安襄鄖三郡其激於義而舍命不渝務雪其恥爲快者於贛則有汪朱氏於襄則有馬田氏於鄖則有李秦氏其事大都猶茲郝與李而予之因以遂其室家也亦竟視茲贊衡先生焉然則委質垂紳不幸而當夫禍患之臨之死靡他弗恤冠而帶者或難之而閨幃中人卒能從一不貳以自完其貞可不謂之中幃鬚眉乎贊衡先生之扶綱常植節義以敦化於首善之地者視予爲烈矣因亟爲紀之以示夫世之樂道人善者

魯亮

儕文集

趙培性妻王氏年二十一夫亡守節孤之英媳周氏年二十

守節依姑孝養備至教子汝霖成諸生乾隆三年并旌

州舊志

庠生鄭鏞妻劉氏早寡守節教子之機尋入泮乾隆五年旌

刁興祖妻焦氏年二十三夫亡撫姪錦爲嗣登賢書乾隆九

年旌